

«EUROASIA INSURANCE» АЖ
акциядорлари умумий йиғилишининг
2022 йил 17 августдаги қарори билан

«ТАСДИҚЛАНГАН»

.....
ишчи раиси Б.Шадиев



«EUROASIA INSURANCE»
АКЦИЯДОРЛИК ЖАМИЯТИНИНГ
ТАФТИШЧИСИ (ТАФТИШ КОМИССИЯМИ) ТЎҒРИСИДАГИ
НИЗОМИ

I. УМУМИЙ ҚОИДАЛАР

1. Мазкур Низом «EUROASIA INSURANCE» акциядорлик жамияти шаклидаги кўшма корхонаси (матн бўйича кейинги ўринларда – «Жамият») Тафтишчиси ёки коллегиал Тафтиш комиссияси (матн бўйича кейинги ўринларда жамланиб – «Тафтишчи» деб юритилади) мақоми, ваколатлари ва мажбуриятлари ҳамда уни (унинг аъзоларини) сайлаш (тайинлаш) ва уни (уларни) ишлаш тартибини белгилаб беради.
2. Ушбу Низом Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни (бундан буён – «Қонун»), бошқа норматив-ҳуқуқий ҳужжатларга ва Жамият Уставига мувофиқ ишлаб чиқилган.
3. Тафтишчи Жамиятнинг назорат органи ҳисобланиб, Жамият, унинг бўлинмалар ва хизматлари, филиаллари ва ваколатхоналари фаолияти устидан ички молия-хўжалик назорат қилиш функцияларини амалга оширади.
4. Тафтишчи ўз фаолияти давомида Ўзбекистон Республикаси қонун ҳужжатларига, давлат бошқаруви органларининг қонуности ҳужжатларига, Жамият Уставига, мазкур Низомга ва Жамиятнинг бошқа ҳужжатларига амал қилади.

II. ТАФТИШЧИНИНГ ФУНКЦИЯЛАРИ ВА МАЖБУРИЯТЛАРИ

5. Жамиятнинг молия-хўжалик фаолиятини текшириш (тафтиш ўтказиш) Жамият акциядорлар умумий йиғилишининг ёки Кузатув кенгашининг ташаббусига кўра, Тафтишчининг одатий иш фаолияти (жадвалига) кўра ёки Жамият овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра Жамият Кузатув кенгашини олдиндан хабардор қилиш йўли билан амалга оширилади.
6. Ўз функцияларини бажариш пайтида Тафтишчи қуйидаги турдаги ишларни амалга оширади:
 - Жамиятнинг молиявий ҳужжатларини, мол-мулкни инвентарлаш бўйича комиссиянинг хулосасини текшириш, кўрсатилган ҳужжатларни бирламчи бухгалтерия ҳисоби маълумотлари билан таккослаш;
 - Жамият номидан тузилган шартномалар, амалга оширилган битимлар, контрагентлар билан ҳисоб-китобларнинг қонун ҳужжатларига мувофиқлигини текшириш;
 - Юритилаётган бухгалтерия ва статистика ҳисобининг мавжуд меъёрий қоидаларига мувофиқлигини таҳлил қилиш;
 - Жамиятнинг молиявий ҳолатини, унинг тўловга қобиллигини, активларнинг ликвидлигини, ўз ва қарз маблағлари нисбатини таҳлил қилиш, Жамиятнинг иқтисодий ҳолатини яхшилаш учун захираларни аниқлаш ва Жамият Ижроия органи ва бошқа ҳодимларига молия-хўжалик фаолияти масалалари бўйича тавсиялар ишлаб чиқиш;
 - маҳсулот ва хизматлар етказиб берувчилар томонидан тўловлар, бюджетга тўловлар, облигациялар бўйича фоизлар, акциялар бўйича дивидендлар ва иш хақи ҳисобланиши ҳамда тўланиши, бошқа мажбуриятлар сўндирилиши ўз вақтида ва тўғри амалга оширилаётганини текшириш;

- солиқ инспекцияси, статистика органлари, давлат бошқарув органларига топшириладиган Жамият бухгалтерия баланслари, йиллик ҳисобот ва бошқа ҳисобот ҳужжатлари тўғри тузилганлигини текшириш;
 - Жамият томонидан қимматли қоғозлар бозори ва акциядорлик жамиятларига оид қонунчилик талабларига риоя қилинишини, шунингдек, жамиятда йирик битимлар ва аффилиланган шахслар билан тузилган битимлар мавжудлигини текшириш;
 - Тафтишчи ваколатига кирадиган бошқа ишларни, шунингдек, акциядорларнинг умумий йиғилиши ва Кузатув кенгашининг топшириқларини бажариш.
7. Тафтишчи қуйидагиларга мажбур:
- Акциядорлар умумий йиғилиши, Кузатув кенгаши, Ижроия органи эътиборига амалга оширилган тафтиш ва текширишлар натижаларини ушбу органларнинг мажлисларига ҳулосалар, ёзма ҳисоботлар, билдиришномалар, ахборотлар шаклида ўз вақтида етказиш;
 - Жамиятнинг йиллик ҳисоботи ва йиллик бухгалтерия балансидаги маълумотлар ишончилиги бўйича баҳо бериш;
 - Жамиятнинг молиявий ҳолатига таъсир этувчи хавф-хатар ва бошқа вазиятлар олдида Жамият заифлигига баҳо бериш;
 - Жамиятнинг молия-хўжалик фаолиятини йил якуни бўйича ёки бошқа давр учун қонунчилик, Жамият Устави ва мазкур Низомга мувофиқ шахслар ташаббусига кўра тафтиш ўтказиш;
 - Тижорат сирини сақлаш, ўз функцияларини бажаришлари пайтида Тафтишчи махфий (конфиденциал) маълумотларга эга бўлганда, ушбу маълумотларни ошқора қилмаслик. Агар Тафтишчи ишига кўшимча эксперт сифатида бошқа шахс жалб қилинса, улар Тафтишчи томонидан тижорат сирини сақлаш лозимлиги ҳақида огохлантирилиши керак. Уларнинг хатти-ҳаракатлари бўйича жавобгарлик текширишга жалб қилган Тафтишчи зиммасида бўлади;
 - Жамиятнинг бошқарув органлари ва мансабдор шахслари ҳаракатларига оид ва уларга нисбатан тегишли қарор қабул қилиш тўғрисидаги акциядорларнинг шикоятларини ўз вақтида кўриб чиқиш;
 - Ишлаб чиқариш, хўжалик, молиявий, ҳуқуқий фаолиятда қонунбузарликлар аниқланган ёки Жамият манфаатларига таҳдид пайдо бўлган ҳолатларда Жамият бошқарув органлари қарорлари талаб қилинган тақдирда, акциядорларнинг навбатдан ташқари умумий йиғилиши ва/ёки Кузатув кенгаши йиғилишини чақиришни талаб қилиш;
 - қонун ҳужжатларига асосан Тафтишчи бошқа мажбуриятларга ҳам эга.
8. Текшириш предмети бўлган барча ҳужжатлар ва материаллар Тафтишчи томонидан текшириш ўтказилганда синчиклаб ўрганиб чиқилиши лозим. Тафтишчи нотўғри ҳулосалар берганлиги учун жавобгар бўлади ва ушбу жавобгарлик меъёри акциядорлар умумий йиғилиши ва амалдаги Ўзбекистон Республикаси қонунчилигида белгиланади.
9. Тафтишчи акциядорлар умумий йиғилишида ва Кузатув кенгаши йиғилишида қатнашиши ва йиғилиш қатнашчиларининг саволларига ўз ваколат доирасида жавоб беришга мажбур.

III. ТАФТИШЧИНИНГ ХУҚУҚЛАРИ ВА ВАКОЛАТЛАРИ

10. Тафтишчи ўз функцияларини тегишлича бажариш мақсадида қуйидаги ҳуқуқларга (ваколатларга) эгадир:
- Жамиятнинг ҳар қандай молиявий ҳужжатларини текшириш, шу жумладан Жамиятни инвентаризациялаш бўйича комиссия ҳужжатлари ва кўрсатилган ҳужжатларни бирламчи бухгалтерия ҳисоби маълумотлари билан таққослаш;
 - Жамиятнинг бошқарув органларидан, унинг бўлинмалари ва хизматларидан, мансабдор шахсларидан, Тафтишчи иши учун зарур бўлган ҳужжатларни талаб қилиш ва олиш. Кўрсатилган ҳужжатлар ва материаллар Тафтишчига унинг ёзма сўровига асосан икки кун ичида тақдим этилиши керак;
 - Ишлаб чиқариш, хўжалик, молиявий, ҳуқуқий фаолиятда қонунбузарликлар аниқланган ёки Жамият манфаатларига таҳдид пайдо бўлган ҳолатларда Тафтишчи бир овоздан акциядорлар умумий йиғилишини ёки Кузатув кенгаши йиғилишини чақиришни талаб қилиш;
 - Жамиятнинг бошқарув органлари, унинг бўлинмалари ва хизматлари олдида, Жамият томонидан қабул қилинган низомлар, қоидалар ва йўриқномаларни бузган тақдирда Жамият ходимлари, шу жумладан мансабдор шахсларнинг жавобгарлиги тўғрисидаги масалани қўйиш;
 - Жамият молиявий ҳисоботларини Халқаро молиявий ҳисобот стандартларига (матнда ХМХС) мувофиқ тарзда эълон қилишга ўтишни ташкиллаштириш бўйича ишчи гуруҳи ишида иштирок этиш;
 - Қонунчиликда ва Жамиятнинг ички ҳужжатларида ўрнатилган тартибда ўз вазифаларини бажариб турган давр учун мукофот ва (ёки) Тафтишчининг вазифасини бажариш билан боғлиқ харажатларни олиш;
 - қонун ҳужжатларига асосан Тафтишчи бошқа ҳуқуқларга (ваколатларга) ҳам эга.

IV. ТЕКШИРУВ (ТАФТИШ) ЎТКАЗИШ ТАРТИБИ

11. Жамиятнинг молия-хўжалик фаолиятини текшириш одатда бир йиллик фаолият ақунлари бўйича амалга оширилади.
12. Жамиятнинг йиллик ҳисоботида киритилган ва йиллик бухгалтерия балансида акс эттирилган маълумотлар ҳаққонийлигини тасдиқловчи ёки рад этувчи ҳулоса ҳамда Жамиятнинг молия-хўжалик фаолиятини текшириш (тафтиш ўтказиш) бўйича Тафтишчи ҳисоботи, Жамиятнинг йиллик ҳисоботи дастлаб тасдиқланиши тўғрисидаги Кузатув кенгашининг мажлиси ўтказилиши кунига қадар уч кун олдин Тафтишчи томонидан Кузатув кенгашига тақдим этилиши лозим.
13. Жамиятнинг молия-хўжалик фаолиятини режадан ташқари текшириш (тафтиш ўтказиш) қуйидаги ҳолатларда амалга оширилади:
- Акциядорлар умумий йиғилишининг қарорига асосан;
 - Кузатув кенгашининг қарорига асосан;
 - Жамиятнинг беш фоизидан кам бўлмаган овоз берувчи акцияларига эга акциядорнинг (акциядорларнинг) талабига кўра;

- Тафтишчининг ўз ташаббусига кўра.
14. Режадан ташкари текшириш (тафтиш) ўтказиш тўғрисидаги қарор акциядорларнинг умумий йиғилиши томонидан Жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади. Тафтишчи акциядорлар умумий йиғилишининг тегишли баённомасини олгандан сўнг текширишни бошлайди.
 15. Режадан ташкари текшириш (тафтиш) ўтказиш тўғрисидаги қарор Кузатув кенгаши томонидан мажлисда қатнашаётган аъзоларининг кўпчилик овози билан, сиртдан овоз бериш ҳолатларида Кузатув кенгашининг барча аъзолари томонидан бир овоздан қабул қилинади. Ушбу қарорни қабул қилишга овоз берган барча Кузатув кенгашининг аъзолари томонидан қарор имзоланади ва Тафтишчига юборилади.
 16. Тафтишчи томонидан текшириш (тафтиш) ўтказиш тўғрисида қарор қабул қилинган тақдирда Тафтишчи текшириш (тафтиш) ўтказишни уч иш куни ичида ташкиллаштиради ва уни ўтказишни бошлайди.
 17. Қонунбузарлик ҳолати аниқланган тақдирда Тафтишчи, аниқланган қонунбузилиш ҳолатини таърифлаган ҳолда ёзма равишда Кузатув кенгашига юборади.
 18. Кузатув кенгаши талабномани олгандан сўнг уч иш кунида мажлисини чақириши шарт.
 19. Текшириш (тафтиш) ўтказилишига рад жавоби қуйидаги ҳолларда берилиши мумкин:
 - талабнома тақдим этган акциядор (акциядорлар) талабномани тақдим этган кунда акциядорларнинг умумий йиғилиши ваколатига киритилган барча масалалар бўйича овоз берувчи акциялар сонига эга бўлмаса;
 - талабнома тақдим этган шахс Жамият акциядорларининг реестрида рўйхатга олинмаган ёки акциядорнинг (акциядорларнинг) вакили (вакиллари) ваколатига эга бўлмаса;
 - текшириш (тафтиш) ўтказилиши тўғрисидаги талабнома асослантирилмаган бўлса;
 - текшириш (тафтиш) ўтказилишига асос бўлган фактлар бўйича текшириш (тафтиш) ўтказилган ва Тафтишчи томонидан ушбу ҳолатлар бўйича ҳулоса тасдиқланган бўлса;
 - талабномада маълумотлар тўлиқ кўрсатилган бўлмаса;
 - талабнома Ўзбекистон Республикаси қонунчилиги ва норматив-ҳуқуқий ҳужжатларга ёки Жамият уставига зид бўлса.
 20. Текшириш предметига тааллуқли барча мавжуд бўлган ва олинган ҳужжатлар ва материаллар Тафтишчи томонидан текшириш (тафтиш) ўтказилаётган даврда ўрганилиб чиқилиши лозим.
 21. Жамиятнинг молия-хўжалик фаолиятини текшириш яқунларига кўра жамиятнинг Тафтишчиси ҳулоса тузади, шунингдек, корпоратив бошқарув кодекси тавсияларидан келиб чиққан ҳолда, бу ҳулосада қуйидагилар акс эттирилиши:
 - жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;
 - бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга ошириляётганда

қонун ҳужжатлари бузилганлиги фактлари тўғрисидаги ахборот кўрсатилиши шарт.

22. Ушбу хулоса акциядорларнинг йиллик умумий йиғилишида кўриб чиқилади.
23. Тафтишчи томонидан текшириш (тафтиш) ўтказиш тўғрисида қарор қабул қилинганга қадар Жамиятнинг молия-ҳўжалик фаолиятини текшириш (тафтиш) ўтказиш бўйича талабнома тақдим қилган шахслар Тафтишчини ёзма оғохлантирган ҳолда ўзлари хоҳлаган пайтда талабномасини чақиртириб олишга ҳақли.
24. Тафтишчи Жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда Жамият Кузатув кенгашининг мажлисига олиб чиқади.

V. ТАФТИШЧИНИ САЙЛАШ (ТАЙИНЛАШ) ВА УНИНГ (УЛАРНИНГ) ВАКОЛАТЛАРИНИ МУДДАТИДАН ИЛГАРИ ТУГАТИШ

25. Жамият Тафтишчиси (ёки Тафтиш комиссияси) Жамият акциядорлар умумий йиғилиши қарорига асосан бир йил муддатга сайланади (тайинланади).
26. Бир шахс ушбу Жамият Тафтишчиси лавозимига кетма-кет 3 (уч) мартадан ортиқ сайланиши (тайинланиши) мумкин эмас.
27. Тафтишчи лавозимига номзодлар бўйича таклифлар киритиш, ушбу таклифларни кўриб чиқиш тартиби Қонуннинг 63 ва 65-моддаларига ва Жамият Уставига мувофиқ амалга оширилади.
28. Тафтишчи лавозимига номзодлар киритиш таклифи ёзма равишда Жамиятнинг манзилига почта орқали юборилади ёки Жамият девонхонасига топширилади.
29. Таклиф киритилган сана почта орқали юборилган санаси ёки Жамият девонхонасига топширилган санаси бўйича аниқланади.
30. Таклиф акциядор ёки унинг вакили томонидан имзоланади. Талабнома вакил томонидан имзоланган ҳолларда вакилнинг ишончномаси илова қилиниши шарт.
31. Агар ташаббус юридик шахс - акциядор томонидан чиққан бўлса юридик шахс вакилининг имзоси (юридик шахснинг уставига асосан ишончномасиз ҳаракат қилиш ҳуқуқига эга бўлган вакил) юридик шахснинг мухри билан тасдиқланиши шарт. Агар таклиф юридик шахснинг номидан ишончнома асосида ҳаракат қилаётган вакил томонидан имзоланган бўлса таклифга ишончнома илова қилиниши шарт.
32. Тафтишчи ўз хошишига кўра истаган пайтида, ўз фаолиятини тўхтатиш кунидан бир ой олдин жамият Кузатув кенгашини оғохлантирган ҳолда Тафтишчи лавозимидан чиқишга ҳақли.
33. Агар Тафтишчи Кузатув кенгаши ёки Ижроия органи аъзосига сайланган (тайинланган) ёхуд айна шу Жамиятда меҳнат шартномаси (контракт) бўйича ишлашни бошлаган бўлса, унда ушбу шахс Тафтишчи лавозимида ўз фаолиятини тўхтатиши лозим.
34. Тафтишчи ваколатлари акциядорларнинг умумий йиғилиши томонидан Жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қуйидаги ҳолатларда муддатидан илгари тугатилиши мумкин:

- узрли сабабсиз Тафтишчининг ўз ишида уч мартадан ортик қатнашмаслиги;
 - Тафтишчи текшириш давомида барча ҳужжатлар ва материалларни лозим даражада ўрганмаганлиги оқибатида нотўғри хулоса берганлиги;
 - Тафтишчининг бошқа хатти-ҳаракатлари (ҳаракатсизлиги) туфайли Жамиятга салбий оқибатлар олиб келганлиги.
35. Тафтишчининг ваколатлари муддатидан илгари тугатилган тақдирда Кузатув кенгаши томонидан янги сайланган (тайинланган) Тафтишчи ваколатлари кейинги акциядорларнинг йиллик умумий йиғилишида сайлангунига (тайинлангунга) қадар амал қилади.
36. Агар акциядорларнинг навбатдан ташқари умумий йиғилиши Тафтишчи ваколатларини муддатидан илгари тугатиш тўғрисида қарор қабул қилса, ушбу қарор қабул қилинган кундан уч иш кuni ичида Кузатув кенгаши янги Тафтишчини сайлаш (тайинлаш) бўйича акциядорларнинг навбатдан ташқари умумий йиғилишини чақириш тўғрисида қарор қабул қилиши шарт.
37. Тафтишчи номзодлари бўйича таклифларни қонунчилик ва Жамият Уставига мувофиқ, Жамият Кузатув кенгаши ва/ёки Ижроия органи киритади.

VI. Яқуний қоидалар

38. Тафтишчи ишини ташкилий-техник таъминлаш, шунингдек акциядорлар ва инвесторлар билан ўзаро муносабатлар учун Жамиятнинг тегишли тузилмавий бўлинмаси томонидан амалга оширилади.
39. Мазкур Низом талабларининг бузилишида айбдор бўлган шахслар белгиланган тартибда жавобгар бўладилар.
40. Агар мазкур Низомнинг айрим қоидалари қонун ҳужжатлари ёки Жамият Уставига зид келган тақдирда, Ўзбекистон Республикасининг қонун ҳужжатлари ва/ёки Жамият Устави нормалари қўлланилади.